



Universitätsbibliothek Paderborn

Exhortationes|| Ad|| Religiosos

Dirckinck, Johann

Coloniæ Agrippinæ, 1704

1. De fine Religiōsi Statūs. Thema. Nunc verò liberati à peccato, servi autem facti Deo, habetis fructum vestrum in sanctificationem, finem verò vitam æternam. Rom. 6.

[urn:nbn:de:hbz:466:1-51834](#)

Deuteronomium , Virgam Moysis , columnam Nubis & Ignis conserue-
mus & sequamur : Illa enim nos du-
cet , illa lumen assundet , perfectio-
nis obstacula detegit , devia often-
det , concordes reddet , atque indi-

visos contra Adversarios defendet ac
denique in celestem promissionis tor-
ram , latte & melle divino ma-
nantem feliciter intro-
ducet.



REGULA II. SUMMARI. DE FINE SOCIETATIS. EXHORTATIO I. IN EANDEM REGULAM.

De fine Societatis JESU.

T H E M A.

*Nunc verò liberati à peccato , servi autem facti Deo , habetis
fructum vestrum in sanctificationem ; finem verò
vitam aeternam. Rom. 6. 22.*

V E L:

Finis hujus Societatis est, &c. Reg. 2. Summ.



M N I A finem suum appetunt : quædam in eum natura instinctu feruntur , ac moventur : quædam prævia cognitio- ne finis, motu & actione liberâ, in eum tendunt. Res a- nima carentes , & animantia catena, ip-

so natura pondere, aut instinctu in fines suos, moderante Authore naturæ , fe- runtur & nunquam omnino aberrant: Homines verò, prævia cognitione seip- pos in finem suum movent : Sed hoc vel maximè est dolendum , feras animan- tes, cæteraque Conditoris opera , nun- quam à fine suo aberrare ; Homines ve- rò, ratione eminentes, ita à fine suo ple- riūque deflectere , & res inanissimas sectari;

L.
Finis no-
ster in ha-
vita salu-
& perfe-
ctio.

seclaris ut juraveris, illos finem suum nec cognoscere, nec desiderare: Alios enim videoas divitiae cum aliquid, alios honoribus adipiscendis, alios voluptatis & delicias auctoribus ita, tota vita, distentos, tanquam si in iis, finis eorum, beatitudo, atque omne bonum, positum collocatumque foret: cum tamen certum sit, illos, qui finem suum, beatitudinem scilicet eternam non intendunt, & non sequuntur, in omnibus actuum agere, nullam quietem, aut satietatem reperire, eternum abjectos, destitutos, tortos, inquietos, perditos, ac desperatos esse; a felicitate Beatorum excludendos ac tyrannicas Demorum potestati subjiciendos, quod milles accidit, qui mundum hunc ingrediuntur, & per mortem egredientur, ac tota vita, nunquam cognoscunt, quem in finem conditi, mundumque ingressi fuerint.

Ne & nos tum creationis, tum propriæ vocationis nostræ finis lateret, eum S. Ignatius Regula 2. nobis proponuit: nimirum salutem & perfectionem propriam, & alienam: Quem finem ut melius cognoscamus, pluris attinemus, & studiolum in eum feramur, præsenti exhortatione, eundem declarabimus.

I. Postquam divina Bonitas, nos à gravioribus delictis sæcularibus liberavit & in religiosum Ordinem, tanquam servos suos adscivit: Habemus fructum nostrum (justitiae & servitii divini) in sanctificationem, salutem, perfectionem Atque hic est finis noster in hac vita: Salus, Sanitas, Justitia, Perfectio, & Sanctimonia: quæ ex Analogia sanitatis corporis, (qua & salus dicitur, ut

dum sternunti, aut bibenti, salus operatur) nullo negotio cognoscitur. Tunc enim homini sua constat sanitas & salus, si temperamentum bonum, complexio humorum moderata, membra integra, partes illæx, munia & officia sua naturalia, ut edere, bibere, dormire, laborare, &c. rectè ac liberè exercere valeant. Pari ratione & animæ sua inest salus, quando, domitis passionibus virtutisque subiectis; temperamento est bono, parentiis integris & ad operationes spirituales, (quales sunt, preces scandere, Deum cognoscere, diligere, laudare, Sacra menta iustipere, &c.) expeditis. Secundum illud Eccli. 30. Salus animæ est, in sanitate justitie, & melior est aure & argento. Atque ut in valetudine corporis, variis dantur gradus, dum alii sunt robusti, alii mediocres, alii debiles, ita etiam in Spiritu & gratia.

At in quo hæc animæ salus, sanitas robusta, & perfectio, (ad quam, ex praesente Regula, tum nobis, tum proxinis procurandam incumbere impensè debemus,) consultir? An in longis, prolixisque orationibus? An in largis Eleemosynis? An in rigidis jejuniis, aut aliis corporis castigationibus? Nequam sanè; hæc enim non solum reperiiri possunt in imperfectis, sed etiam in Pharisæis & peccatoribus. Num igitur in paupertate & contemptu divitiarum? Minime; quis enim Diogene in vase, loco Domus, habitante, & Biane, aurum suum omne, in mare projiciente, pauperior? Nec tamen perfectionem assecuti fuere. Nec ipsimet Novitii Religiosi, tametsi omnia relin-

O quant,

1. Finis no
ster in hac
vita salus
& perfec
tio.

quant, hoc ipso perfectione beatantur: in his paupertas est perfectionis initium, non finis: inchoatio, non consummatio. In quo igitur ea animæ salus & hujus vita perfectio ac sanctificatio sita est?

S. Dionysius Areopagita L. De divin. Nomin. c. 12. ait: *Sanctitas est omni scelere libera, omnino perfecta, & omni ex parte immaculata puritas.* Quæ hæc tria complectitur: 1. *Puritatem anime, ut ea à peccatis, vitiis, passionibus, & pravis habitibus libera & immunis sit,* 2. *Soliditatem virtutum, Humilitatis, Patientie, Obedientie, Refigurationis, &c.* 3. *Consummationem Charitatis.* Ut nimis anima, ope divina gratia adiuta, eò perveniat; ut summum amoris gradum, qui in hac mortalitate obtimeri potest, ascendat: *Summum dico, non intensivè, cum Charitas in hac vita, semper crescere & intendi queat; sed summum, ratione modi diligendi, dum scilicet Deum super omnia, & omnia in ipso & propter ipsum duntaxat diligentes, ipsi, quantum vita hujus fragilitas permittit, cogitatione, affectu, & operatione inharetur.*

De ejusmodi anima, dici potest illud, Psal. 44. *Astitit Regina (vitiis & passionibus dominans,) à dextris tuus, in vestitu deaurato: (Charitatis) circumdata varietate, virtutum)*

Hæc igitur est salus & sanitas animæ in hac vita, hæc est perfectio, quam nobis aliique procurare debemus: Hæc est nobilissima optatissimæque Justitia, cuius fructus est sanctificatio, ad quam aspirare toto corde debemus: Hæc est omni ex parte immaculata pu-

ritas, in qua quidquid desiderabile à nobis est, eminenter reperimus, omnique concupiscentia rationes, ac boni utilis, jucundi, & honesti illecebras reprehendimus. Si enim Thesaurum utilem desideramus; perfectio est ejusmodi Thesaurus: nam *Simile est regnum Cœlorum Thesauro abscondito in agro.* Matth. 3. Si Manna ad gultum & voluptatem appetimus; perfectio Manna est: *Vincenti dabo Manna absconditam.* Apoc. 2. Si honorem, dignitatem, & regnum ambinus; perfectio est regnum Dei, quod intra nos est, & quod indies à Patre cœlesti postulamus: *Adveniat regnum tuum.* O Thesaurus abditus! Manna absconditum! ò regnum absconditum, non solum secularibus; sed etiam multis Religiōs! Et tamen Thesaurus, Manna, Regnum, omnibus mundi thesauris, deliciis, & regnis, infinite praestantiis: de ea enim, sub Sapientiæ nomine, afferit Sapiens, *Thesaurus infinitus est hominibus.* Sap. 7. Ad quam, in altera vita, thesauri, delicia, regna sine fine in omnem æternitatem duratura subsequentur.

II. Altera pars, seu alter finis, quem vi hujus Regulæ, nobis aliique procurare oportet, est vita æterna; *Finem vero vitam aeternam: id est, æterna corporis, animaque beatitudo obtinenda in cœlesti Patria.* Verum ut clarissimum humc finem nobilissimum cognoscamus, pluris a stimemus, & totis viribus ad eum obtainendum contendamus; quid est *Vita æterna?* 1. Est expatria ac fugatrix mortis temporalis & æterna, qua stipendium & supplicium peccati

peccati est. 2. Est vita vitalis & perfecta, quā animalis, quā humana, quā Angelica, quā divina est, omnibus boni radix. Vivit ibi memoria, recordatio-ne omnium præteriorum: vivit ibi intellectus, cognitione & visione Dei: vivit ibi voluntas, fructuone omnis boni: vivunt ibi appetitus concupisibilis & irascibilis, & sensus omnes, suisque fruuntur deliciis: Verbo includit hæc vita omnes delicias, opes, honores, & omnium vitarum, sentium, potentia-rum oblectationes. Vitam hanc pul-chre describit S. Augustinus L. 22. de Civ. Deic. 30. Quanta, inquit, erit ibi felicitas, ubi nullum erit malum, nullum latebit bonum, vacabitur Dei laudibus, qui erit omnia in omnibus. Beati qui habitant in Domotua, Domine, in secula seculo-rum laudabunt Te. Deinde premium Beatorum essentiale exponit. Premium virtutū erit ipse, qui virtutem dedit, & qui seipsum, quo melius aut major nibil posse esse, promisit: quid enim est aliud, quod per Prophetam dixit: Ego illorum Deus, & ipsi erunt mihi plebs: ego ero, que-cunque ab omnibus honeste disiderantur, & vita, & salus, & virtus, & copia, & glo-ria, & honor, & Pax, & omnia bona; fi-enim & illud recte intelligitur, erit Deus om-nis in omnibus, ipse fini erit disideriorum nostrorum.

Deinde erit vita hæc, non mille annorum, non mille millionum annorum, sed eterna: eterna enim esse debet, ut sit beata. Teste S. Augustino l. 83, quals. 35. Quid enim est, ait, aliud beate vivere, nisi eternum aliquid cognoscendo habere? Quocirca ea demum vita beata, qua eterna est: Quid vero eternum est, &

videtis, Charissimi, quam subli-mem & præstantem Societas nostra si-bi finem præfixum habeat, ad quem toto conatu tendere & aspirare debe-mus. Hic finis fuit, ad quem Christus Dominus noster è celo in terras descen-dit; ut mundum salvificet: Ego veni, ut vitam habeant, & abundantiam habeant. Joan. 10. Vitam gratiam & gloriam, vi-

am aeternam. Hic est finis ad quem a Christo vocati & missi sunt Apostoli; Sicut misit me vivens Pater & ego misso vos; Ite in mundum universum & predicate Evangelium omni Creature; qui credideris & baptizatus fueris salva eris: Et habebit finem, vitam aeternam. Hic finis quoque nobis propositus est & praefixus; Attende tibi & Doctrina, infra in illis, hoc enim faciens, & te ipsum salvum facies, & qui te audiunt. 1. Tim. 4. 16. Hic finis duplex sibi quodammodo subordinatus est, & mutuo alterum alter adjuvat, nec tantum accidentaliter sibi copularunt, sed potius ex natura hujus nostri Instituti, ita cohæret, ut ambo se mutuo per vadant, afficiant, modificant & promoveant: Nam salus perfectio propria, mirificè promovet alienam, atque ad eam necessaria est: studium salutis & perfectionis aliena, incrementum est propriæ.

Quapropter Dilectissimi; cum jam nobilissimum finem nostrum, scilicet salutem propriam & alienam, cognoverimus, ejusque præstantiam, nobilitatem & sublimitatem perspexerimus; maximi illum semper faciamus & ad eum viribus totis contendamus. Primo salutem animæ nostra & perfectionem

propriam, tanquam thesaurum incomparabilem, Manna suavissimum, regnum animæ nobilissimum. Deinde alienam; ut tam nos, quam alios plurimos ad felicem aeternitatem, ac vitam beatam perducere allaboremus. Hic est denarius, quem in vinea Domini laborando, toto vita nostra die, acquirere nobis aliisque fatigimus. Hæc est merces nostra copiosa in Cœlis: Hæc est Corona gloria, quæ post bonum certamen nobis est reposita. Ad hunc finem, parentes, patriam, amicos, & omnia reliquimus; ad hunc finem, mundum & omnia, quæ in mundo posse debamus, aut sperare poteramus, deseruimus: ad hunc finem è mundi diluvio ad Religionis arcum consurgimus: quare omnem industriam, conatumque adhibeamus; ut liberati à peccato, servi autem facti Deo, fructum nostrum habeamus in sanctificationem, finem vero vitam aeternam; id est ut tandem ad claram Dei optimi maximæ, visionem, amorem, fruitionem, in quo consistit æterna beatitudo & salus, cum plurimis aliis, feliciter elutemur.



EXHOR-